



Komunikado di prensa 2020-020

Seshon di informashon di CBCS pa studiantenan ku ta bai studia afó

Willemstad / Philipsburg - Centrale Bank van Curaçao en Sint Maarten (CBCS) ta mira bèk riba un seshon virtual eksitoso ku a tuma lugá djaweps último 9 di yüli pa studiantenan di Kòrsou ku ta bai studia afó. Djáron 15 di yüli, CBCS lo tene un seshon similar pa studiantenan di Sint Maarten. E seshonnan di informashon a tuma lugá ku koperashon di Stichting Studiefinanciering Curaçao (SSC) i *Division Student Financing* na Sint Maarten respektivamente. E meta di e seshonnan aki ta pa prepará studiantenan riba vários aspekto pa ku nan bida den eksterior. Durante di e seshonnan di informashon e siguiente tópikonan a wòrdu tratá: (1) teknologia di informashon, (2) seguridat i integridat, (3) sistemanan di pago i informashon bankario i (4) kon pa atendé ku sèn efisiente. Alabes un estudiante di e aña akadémiko anterior a elaborá riba su eksperensia den un pais estranhero pa loke trata e kambio di kultura, finansa i estudio.

Ku e seshonnan di informashon CBCS ta deseá di duna un aporte positivo pa stimulá un komportashon responsabel na e hóbennan adulto riba nivel personal, sosial i finansiero.

Pa mas informashon tokante di e seshonnan aki por tuma kontakto ku CBCS via e-mail: info@centralbank.cw.

CBCS ta rekomendá pa bishitá su wèpsait <https://www.centralbank.cw/education> frekuentemente i su página di Facebook pa keda na altura di tur aktividatnan ku e ta organisá.

Willemstad, 14 di yüli 2020

CENTRALE BANK VAN CURAÇAO EN SINT MAARTEN